

ATODLEN 3

GOFYNION YCHWANEGOL AR GYFER LLADD ANIFEILIAID YN UNOL Â DEFODAU CREFYDDOL

RHAN 4

Y Comisiwn Rabinaid

Aelodaeth

9.—(1) Rhaid i'r Comisiwn Rabinaid ar gyfer trwyddedu personau i ymgymryd â lladd anifeiliaid yn unol â'r dull Iddewig (Shechita) gynnwys cadeirydd parhaol a naw aelod arall.

(2) Rhaid i'r cadeirydd parhaol, yn rhinwedd y swydd honno, fod yn Brif Rabi Cynulleidfaoedd Hebraidd Unedig Prydain Fawr a'r Gymanwlad.

(3) O blith aelodau eraill y Comisiwn Rabinaid, ac eithrio'r cadeirydd parhaol—

- (a) rhaid i un, sef yr is-gadeirydd, gael ei benodi gan y Synagog Sbaenaidd a Phortiwgeaidd (Llundain);
- (b) rhaid i dri gael eu penodi gan y Beth Din a benodir gan y Synagog Unedig (Llundain);
- (c) rhaid i ddau gael eu penodi gan y Ffederasiwn Synagogau (Llundain);
- (d) rhaid i un gael ei benodi gan Undeb y Cynulleidfaoedd Hebraidd Unionged (Llundain); ac
- (e) rhaid i ddau gael eu penodi gan Fwrdd Dirprwyon Iddewon Prydain i gynrychioli cynulleidfaoedd rhanbarthol.

Atodol

10.—(1) Mae swyddogaethau'r Comisiwn Rabinaid yn arferadwy er gwaethaf unrhyw le gwag ymhlith yr aelodau.

(2) Cworwm y Comisiwn Rabinaid yw pedwar.